



REPUBLIKA E SHQIPËRISË

**UNIVERSITETI “ISMAIL QEMALI” VLORE
SENATI AKADEMIK**

RREGULLORE PËR MËNYRËN E PËRDORIMIT TË *ITHENTICATE* DHE *AI DETECTION CAPABILITIES*, PROGRAMEVE KOMPJUTERIKE PËR DETEKTIMIN E PLAGJIATURËS NË VEPRIMTARINË KËRKIMORE DHE BOTUESE NË UV DHE PËR PALËT E TRETA.

Neni 1

Kjo rregullore përcakton mënyrën e përdorimit të programeve kompjuterike *iThenticate*, duke përfshirë edhe kapacitetet për detektimin e përmbajtjes së gjeneruar nga inteligjenca artificiale (*AI Detection Capabilities*), në veprimtarinë kërkimore dhe botuese në Universitetin “Ismail Qemali” Vlorë dhe palët e treta të interesuara. Rektori cakton me vendim personat përgjegjës për operimin teknik të këtyre programeve kompjuterike dhe për realizimin e procesit të kontrollit të plagjiaturës.

I – Përdorimi i programeve kompjuterike për kontrollin dhe detektimin e plagjiaturës në punimet e doktoratës, temave të diplomave, artikujve shkencor, Buletinit Shkencor të UV-së dhe shërbimin ndaj palëve të treta;

Neni 2

Çdo disertacion/temë diplome e punuar, e paraqitur pranë njësisë kryesore përkatës në Universitetin “Ismail Qemali”, Vlorë duhet t’i nënshtrohet kontrollit përmes përdorimit të programeve kompjuterike për detektimin e plagjiaturës.

Neni 3

Rezultati i kontrollit të disertacionit të doktoratës përmes përdorimit të programeve kompjuterike për detektimin e plagjiaturës është pjesë e domosdoshme e raportit të Komisionit për Dhënien e Gradës Shkencore “Doktor”.

Neni 4



REPUBLIKA E SHQIPËRISË

UNIVERSITETI “ISMAIL QEMALI” VLORE SENATI AKADEMIK

Kontrolli i disertacionit me përdorimin e programeve kompjuterike për detektimin e plagjiaturës do të realizohet në këtë mënyrë:

- drejtuesi i njësisë kryesore, i cili ka pranuar disertacionin e punuar nga kandidati për doktoratë, brenda një afati prej 5 ditësh, nga dita e pranimi ia dërgon Universitetit “Ismael Qemali”, Vlorë disertacionin në formë elektronike në adresën e postës elektronike rektori@unuivlora.edu.al, me kërkesën për realizimin e procesit të detektimit për plagjiaturë.
- personat e caktuar me vendim të rektorit realizojnë procesin e detektimit për plagjiaturë brenda një afati prej 10 ditësh nga data e pranimi të kërkesës nga njësia kryesore dhe raportin ia dërgojnë rektorit.
- rektori i universitetit ia dërgon rezultatet e kontrollit të disertacionit drejtuesit të njësisë kryesore që ka bërë kërkesën.
- drejtuesi i njësisë kryesore ia dërgon rezultatet e kontrollit të disertacionit Komisionit për Dhënie të Gradës Shkencore “Doktor”, së bashku me çdo dokumentacion tjetër të nevojshëm për përpilimin e raportit lidhur me disertacionin e dorëzuar.

II – Përdorimi i programeve kompjuterike për detektimin e plagjiaturës në kuadër të veprimtarisë akademike të Senatit Akademik dhe këshillave shkencorë dhe botues;

Neni 5

Senati dhe këshillat shkencorë dhe botues, në punën e tyre, mund të përdorin programet kompjuterike për detektimin e plagjiaturës. Nëse gjatë shqyrtimit të ndonjë çështjeje nga ana e këshillave shkencorë dhe botues lind nevoja për përdorimin e këtyre programeve, ata i paraqesin Senatit Akademik kërkesën për përdorimin e tyre. Senati Akademik pas shqyrtimit të kërkesës autorizon përdorimin e programeve.

Neni 6

Këshillat shkencorë dhe botues i dërgojnë Kryetarit të Senatit në formë elektronike punimin/et shkencor/ë, publikimin/et, temën/at apo çdo dorëshkrim tjetër që ka marrë miratimin nga Senati Akademik për t’iu nënshtruar kontrollit përmes përdorimit të programeve kompjuterike për detektimin e plagjiaturës.

Personat e autorizuar, me vendim të rektorit, realizojnë procedurën e detektimit të plagjiaturës në afat prej 15 ditësh nga dita e pranimi të kërkesës dhe raportin ia dorëzojnë rektorit, i cili ia dërgon Senatit Akademik. Rezultatet e kontrollit i përcillen këshillave shkencorë dhe botues ose palës së



REPUBLIKA E SHQIPËRISË

UNIVERSITETI "ISMAIL QEMALI" VLORE SENATI AKADEMIK

tretë të interesuar brenda një afati prej 10 ditësh nga data e pranimi të raportit nga Senati Akademik.

III- Përdorimi i programeve kompjuterike për detektimin e plagjiaturës për çështje të dërguara Bordit të Mbikëqyrjes së Etikës në Kërkim dhe Këshillit të Etikës;

Neni 7

Bordi i Mbikëqyrjes së Etikës në Kërkim, në punën e vet, mund ti përdorë programet kompjuterike për detektimin e plagjiaturës.

Nëse gjatë ndjekjes së procedurës lidhur me ankesë konkrete (kallëzim) të parashtruar Bordit të Mbikëqyrjes së Etikës në Kërkim paraqitet nevoja për përdorimin e këtyr programeve, atëherë Bordi i Mbikëqyrjes së Etikës në Kërkim nxjerr përfundime lidhur me këtë çështje, të cilat ia relaton dhe përcjell në formë shkresore Këshillit të Etikës.

Në përfundim vlerësohet cili punim shkencor, publikim, apo dorëshkrim duhet të kontrollohet përmes përdorimit të programeve për detektimin e plagjiaturës.

Neni 8

Kryetari i Bordit të Mbikëqyrjes së Etikës në Kërkim ia dërgon Këshillit të Etikës punimin shkencor, publikimin apo dorëshkrimin për të cilin bëhet shqyrtimi në bord, me kërkesën që të ushtrohet kontroll përmes programeve për detektimin e plagjiaturës.

Këshilli i Etikës i dërgon Kryetarit të Senatit në formë elektronike punimin/et shkencor, publikimin/et apo çdo dorëshkrim tjetër që ka marrë miratimin nga Këshilli i Etikës për t'iu nënshtruar kontrollit përmes përdorimit të programeve për detektimin e plagjiaturës.

Personat e autorizuar, me vendim të rektorit, realizojnë procedurën e detektimit të plagjiaturës në afat prej 15 ditësh nga dita e pranimi të kërkesës dhe raportin ia dorëzojnë Rektorit, i cili ia dërgon Senatit.

Rezultatet e kontrollit i përcillen Këshillit të Etikës dhe Bordit të Mbikëqyrjes së Etikës në Kërkim brenda një afati prej 10 ditësh nga data e pranimi të raportit nga Senati Akademik.

Neni 9

IV - Përdorimi i programeve kompjuterike për kontrollin e plagjiaturës *iThenticate* dhe



REPUBLIKA E SHQIPËRISË

UNIVERSITETI “ISMAIL QEMALI” VLORË
SENATI AKADEMIK

AI Detection Capabilities nga palët e treta

Universiteti “Ismail Qemali” Vlorë ofron shërbimin e ekspertizës për kontrollin e plagjiaturës nga programet kompjuterike (*Ithenticate*) dhe përmbajtjes së krijuar nga inteligjenca artificiale (*AI Detection*) edhe për individë apo institucione të jashtme (palë të treta), kundrejt tarifave të miratuara nga Senati Akademik.

Palët e treta paraqesin kërkesën zyrtare pranë zyrës së Protokoll-Arkivës në rektorat, e shoqëruar me dokumentin për të cilin kërkohet ekspertiza dhe vërtetimin e pagesës së tarifës përkatëse.

Pas pranimit të kërkesës dhe dokumentit, personeli i autorizuar i UV-së realizon kontrollin përmes platformës përkatëse brenda 10 ditëve pune dhe përgatit raportin teknik për përqindjen e përputhjes, analizën e citimeve, praninë e teknikave mashtruese (*white text, karaktere të zëvendësuara*), si dhe raportin e AI Detection.

Raporti i ekspertizës u dorëzohet palëve në formë elektronike me mbishënimin “*Konfidencial*” dhe ruhet për 6 muaj në arkivin elektronik të UV-së.

Të gjitha dokumentet dhe të dhënat trajtohen me konfidencialitet të plotë sipas legjislacionit në fuqi për mbrojtjen e të dhënave personale dhe të drejtën e autorit.

V – Dispozita kalimtare dhe të fundit

Neni 10

“Miratuar me vendim të Senatit Akademik nr. __, datë __”